

Branislava Đurđeva 10, Sarajevo 71000

Datum: 4.2.2022.godine

PROGRAM RADA IZVRŠNOG ODBORA MATIČNE SEKCIJE INŽINJERA HORTIKULTURNE I PEJZAŽNE STRUKE ZA 2022. GODINU

Matična sekcija inženjera hortikulture i pejzažne struke kao jedna od od 15 matičnih sekcija Inženjerske komore Federacije Bosne i Hercegovine, koja ima širok spektar djelovanja, ali i određene probleme u svom radu.

Inženjeri hortikulture i pejzažne struke su specijalizirani u sljedećim oblastima:

- 1) **Planiranju prostora:** analiza stanja životne sredine, inventarizacija prirodnih resursa, planiranje korištenja zemljišta, izrada planova za turistička područja, planiranje zaštite prirode, planiranje rekultivacije ili renaturalizacije predjela, zatim planiranje urbanih otvorenih prostora, planiranje razvoja sistema zelenila – zelene infrastrukture, planiranje rekreativnih prostora, planiranje razvoja kulturnih predjela i sl.
- 2) **U projektovanju:** oblikovanje različitih prostora kao što su: parkovi, skverovi, rekreativni prostori, izletišta, botanički i zoološki vrtovi, plaže, šetališta, pjacete i trgovi, spoljno uređenje prostora oko objekata (hotelski vrtovi, školska dvorišta, zelenilo oko vjerskih objekata, dvorišta bolnica, predškolskih ustanova), otvorenih prostora stambenih blokova, poslovnih i komercijalnih objekata, kućnih vrtova, zatim uređivanje krovnog i vertikalnog zelenila, zaštitnih zelenih pojaseva, zelenila saobraćajnica, grobalja, projektovanje obnove zaštićenih objekata kulturno-parkovskog naslijeđa, land art, dizajn mobilijara i sl.
- 3) **U izgradnji:** izvođenje radova pejzažnog inženjeringa, odnosno uređenja prostora, kao što su: pripremni i sanitarni radovi, izvođenje zemljanih radova radi nivelisanja i dreniranja terena,

izgradnja građevinskih parternih elemenata staza i platoa, izgradnja malih parkovskih objekata (stepenica, zidova, ograda, česmi, fontana, pergola, paviljona i sl), ugradnja parkovskog i urbanog mobilijara, ugradnja sistema za drenažu i zalijevanje, agrotehnička priprema zemljišta, sadnja biljaka, formiranje travnjaka na zelenim i sportskim površinama, izvođenje radova na sanaciji i zaštiti objekata kulturno-parkovskog i prirodnog naslijeđa, izvođenje bioinženjerskih radova rekultivacije i renaturalizacije i sl.

4) **U upravljanju** (menadžmentu) predjelima: poslovi zaštite prirode i njege predjela, rad u nacionalnim parkovima, upravljanje razvojem sistema zelenila, komunalno održavanje, upravljanje katastrima površina pod zelenilom, održavanje gradskog zelenila, zaštita starih vrtova i parkova i sl.

Matična sekcija inženjera hortikulture i pejzažne struke ima sljedeće zadatke i ciljeve u radu:

- okupljanje inženjera hortikulture i pejzažne struke na području FBiH u jedinstveno udruženje,
- nastavak analize Zakona i podzakonskih akata vezanih za područje hortikulture i pejzažne struke,
- nastavak unapređenja zakonskog okvira u području hortikulture i pejzažne struke,
- podrška radu Inženjerske komore i predlaganje rješenja za aktuelne probleme u području hortikulture i pejzažne struke,
- analiza tržišta rada i praćenje svjetskih trendova u oblasti struke,
- savjetodavne aktivnosti prema glavnim akterima u donošenju i realizaciji rješenja i tokova tehnologije u oblasti struke na području FBiH
- praćenje trendova poslovanja na lokalnom i višim nivoima,
- djelovanje u smislu jednog od ključnih aktera u definisanju naučnih i stručnih tokova na nivou Federacije BiH,
- podrška razvoju preduzeća i zaposlenih u oblasti hortikulture i pejzažne struke,
- podrška poboljšanju i unapređenju naučnog i poslovnog ambijenta,
- komunikacija sa sličnim ili istim udruženjima unutar i van Bosne i Hercegovine,
- komunikacija i saradnja sa sličnim ili istim udruženjima u inostranstvu,
- organizacija stručnih i naučnih skupova, edukacija, seminara i drugih skupova koji

imaju za cilj unapređenje znanja, nauke i poslovanja pojedinaca, preduzetnika ili preduzeća u oblasti mašinske struke, unutar Bosne i Hercegovine, i inostranstvu

- komunikacija sa naučnim i obrazovnim ustanovama na području FBiH u cilju unapređenja nastavnih planova i programa, stručnog usavršavanja, razvoja i implementacije zajedničkih projekata, savjetovanja o budućim trendovima razvoja struke i sl.
- komunikacija sa privrednim subjektima na području FBiH u cilju unapređenja poslovanja, razvoja saradnje, savjetovanja o budućim strukovnim trendovima, analizi kadrovskih potreba i zahtjevima tržišta, podršci pri razvoju pozitivnog poslovnog ambijenta, inovacijama i sl.
- organizacija obuke, seminara i skupova u oblasti inovacija i novih tehnologija, u cilju informisanja članstva o novim svjetskim tehnološkim trendovima,
- podrška razvoju i implementaciji inovacija i inovativnosti u preduzećima, obrazovnim institucijama i sl.

PLAN AKTIVNOSTI MATIČNE SEKCIJE INŽINJERA HORTIKULTURNE I PEJZAŽNE STRUKE ZA 2022. GODINU

Na sastanku Izvršnog odbora Matične sekcije inženjera hortikulture i pejzažne struke, koji je održan 3.2.2022. godine, usvojen je Plan aktivnosti za 2022.godinu. On podrazumijeva sljedeće:

1. Redovne sastanke Izvršnog odbora na mjesečnom nivou i vanredne sastanke po potrebi
2. Kreiranje prijedloga izmjena podzakonskog akta - pravilnika - vezano za Zakon o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", broj 2/06, 72/07, 32/08, 4/10, 13/10, 45/10, 85/21 i 92/21), eventualno ponavljanje dopisa do okončanja postupka.
3. Priprema poziva i okvirne agende Konferencije, te slanje na listu adresa
4. Analiza kantonalnih zakona o prostornom planiranju te kontaktiranje nadležnih ministarstava u svrhu izmjena i dopuna istih, shodno federalnom zakonu i potrebi prepoznavanja struke (nadzora projekata, izdavanje upotrebne dozvole za projekte).
5. Priprema izmjena i dopuna podzakonskih akata

6. Prikupljanje novih i ažuriranje postojećih informacija o broju i statusu inženjera pejzažne i hortikulture struke
7. Promocija Komore i povećanje broja članova
8. Održavanje Stručne konferencija Matične sekcije inženjera hortikulture i pejzažne struke. U tom smislu će se uputiti poziv javnim i privrednim preduzećima da se predstave, da javnost upoznaju sa svojim kapacitetima i eventualnim potrebama u stručnom pogledu. Uloga matične sekcije bi bila povezivanje stručnjaka i poslodavaca.
9. Održavanje godišnje Skupštine Matične sekcije inženjera hortikulture i pejzažne struke za 2022. godinu

MISIJA I VIZIJA MATIČNE SEKCIJE INŽINJERA HORTIKULTURNE I PEJZAŽNE STRUKE

Matična sekcija inženjera hortikulture i pejzažne struke je udruženje pri Inženjerskoj komori FBiH, osnovano, sa **misijom** da bude podrška i vodilja pojedincima, privrednim i društvenim subjektima i institucijama u oblasti hortikulture i pejzažne struke.

Vizija Matične sekcije inženjera hortikulture i pejzažne struke je uspostavljanje organizacije koja uključuje sve inženjere hortikulture i pejzažne struke na području FBiH, i podrška realizaciji općih ciljeva Inženjerske komore.

IZVRŠNI ODBOR SEKCIJE INŽINJERA HORTIKULTURNE I PEJZAŽNE STRUKE

PREDSJEDNICA

Mr sci Zehra Veljović, dipl.ing.hort.